



05629

序

蓋凡天生賢才以爲世用山川之所培植深厚方得穎異之品挺出其間在朝則有嶷然以端者著爲典型在野則有侃乎其正者表爲矜式措一履如金玉之重吐一辭若日雲之華無論爲進爲退所由允當而無疑者在今日柯庭汪使君庶幾焉使君世胄通顯髫年卽閉戶却掃發二酉四庫之藏擷其菁萃而見之辭章其爲詩歌古文遂造於精微奧博之域早已擅名爲藝林之所推服茲則

西山紀遊詩起序

一

值際興運綰綬秉政羽儀邦國其練達經術傳實義詳讞法聲譽茂藉而生民倚以爲干城今秋偶得其暇命駕探西山之勝由翠微雙徑而入深雪之室與永一見如舊劇論二教之微旨頗爲契合并出示近刻諸種復次第留題樂與數晨夕去遊洪光香山碧雲卧佛捺索奇秘潑墨淋漓寫徧巖壁真豪舉也永自駮駮所過之後寤寐思維嘗作有情之戀因而賈勇下山策蹇造謁甚相歡洽淪佳茗饌伊蒲示讀西山紀遊一集才情雋麗格合

聲諧而撫景觸懷殊多淒清激宕之音境事既極
備文質而三歎致意者古遺響存焉俾知務爲原
本之學扶運會而正人心使君之志也非徒以紀
遊寫照之謂也永雖不敏竊附方外交遊之末爰
述其意以爲之序

康熙辛巳仲秋下澣六日溪雪釋超永撰於聖感
方丈

序

東南山水可愛而西北可畏洪河喬嶽望之凜然
陟之者眩慄震掉而不寧至吳粵閩楚之山幽峻
奇麗雖生於下州足以致騷人墨子之留連元次
山之浯溪柳子厚之鈇鉏潭朱晦菴之武夷至結
廬疏壤嘯歌其中若將終身焉者而西北雖以帝
王都士大夫之所萃然山水之以遊傳者鮮矣韓
昌黎一登華山發狂大叫投書與家人訣迄不見
登華詩文歐謝奉祀中岳始至太少二室後之人

西山紀遊詩

溫序

一

罕繼餘則愈寥寥矣然則東南山水之勝之倍於
西北者大率以遊者衆耶而獨京師之西山不然
西山太行第八陁也太行綿亘數千里西山居京
城右腋若翼若衛夷而爲丘峻而爲嶺峭而爲嶸
轟而爲峰水泉環注溢爲陂湖芙蕖菱芡之植不
減江南入其中者不知轍跡之在西北也又其間
寺刹特盛儼若帝居夫以山水之勝而兼宮室壯
麗之觀則雖金陵錢塘無以過之宜其名冝著於
天下然自唐以前罕有稱述遼金建都以迄永樂

北徙而臺謝園林與浮屠老子之宮繡錯碁置各
占蒼蔚繚曲絕勝處士大夫休沐之暇相與並轡
連舫酒徒狎客艷姝歌兒炫耀於水涘山巔而詩
賦紀述之作不絕於編簡矣 本朝因之起別苑
於海澱則凡玉泉甕山西湖諸境皆入禁籞不可
得闌入而香山碧雲盧師平坡之墟庶幾可陟然
荒寒寂歷與前明時懸絕過者生倦惟閑居無事
者藉以銷其羈旅焉余友汪子柯庭旣罷官候銓
語余將往西山余曰往也子果往有二勝我觀士

西山紀遊詩

溫序

二

大夫之嬾文墨者往往疲於酬應雕鏤藻繪於獻
諛之詞而不暇他及令以其耳目心思別寄於山
水豈不文境兩絕耶若樵夫牧豎上巉岩履邃壑
其烟雲變幻月露澄鮮奇石恠木幽香古穆日習
見之然至則喘汗踣頓足趺腰僂况望其觸目會
心舉以告人耶故學士不得樵牧之境以抒之詩
文而野夫不得文人之筆以寫其目之所見豈不
兩憾矣哉今子挾風雅之長材以臨人所經焉不
能言之處是山水文章交相贊也故曰子往必兩

勝汪子躍然曰有是哉往五日得詩若干首今而後可爲西北之山靈釋憾也顯其幽奇以敵南服請以汪子之集證之辛巳秋分日吳興同學弟溫睿臨草

西山紀遊詩

溫序

三

卷之三

題辭

若夫影纓佩組幾曾有搜冥攬勝之儔訪水尋山
必弗是競達于通之客謝靈運專心別隱足遺於
鴈蕩仙區李青蓮結想探幽夢陟於霞城天姥蓋
以塵寰造命泉石緣慳兼之俗物敗人林丘福淺
乃若邛友汪柯庭先生甚可異也先生越王華胄
唐柱名家陸海藩江胸次則容涵一世班香宋艷
筆端則橫掃千夫然其情之所鍾高山流水性而
成癖明月清風被火映魚翻遂抽簪之志乘秋策

西山紀遊詩題辭

一

蹇欣爲命駕之遊患得患失之恒人孰免眉峰懊
惱載浮載沉之仕路誰能心境蕭閒楊惲之曲調
烏烏無非悒鬱殷浩之書空咄咄總是牢騷先生
則一情水淡冷眼冠裳萬慮灰寒熱腸丘壑筇扶
一杖不勞禽慶偕行屐曳雙鞵竟自向平獨往具
能濟勝山不厭高志在蒐竒路寧怯險出郭則何
須十里別是人間入山若略住三秋渾然天上涼
風作陣黃葉雜紅葉而齊飛重露成絲孤鴻逐偶
鴻而互喚西峰當面積翠陰森北闕回眸晴嵐明

爽不啻度南塘橋外鴉護巢雛何如過華子岡頭
犬如寒豹迨及振衣千仞呼吸通帝座之間躡屩
萬尋指顧在人烟之上繞渾河之如帶俯瞰源流
亘雄塞之維屏遙瞻沙磧懸崕峭壁雲霞繪蜀錦
吳綾深澗寒潭松竹奏齊箏湘瑟設神農之復起
花不知名使老子之重甦樹難記歲窳房未割猿
引子而偷蜂瑤草爭啣鹿呼羣而媚塵論赤縣之
千八百國此地則尊帝尊王較黃山之三十六峰
彼處亦難兄難弟况乎新詔鐘寺人之墓土脉

西山絕遊詩

題辭

二

生膏清議槌皇店之碑坤靈去癩其爲遊也不亦
快哉於是兩菊霜蓮宿僧寮而得句晚烟斜日向
佛塔而留題至若繡谷花谿處處詠古今之體雲
門石磴在在編長短之章曇鉢神葩鮮妍助筆迦
陵靈鳥現眈催詩以故滿幅葡萄紀徧龍湫之奧
盈篇芍藥賦全鷺嶺之奇携錦軸而來歸籃輿加
重展玉笈而捧讀柅篋添新天目地喉君則吟哦
之既富筆峰墨海我亦應接之弗遑誠如翠嶽千
重近巒過而遠巒又出銀河萬頃前波逝而後波

復興才乃如斯觀乎止矣噫嘻窮愁裏足我自慚
故土蹉跎登眺從心君轉得秋巖趣味辛巳重陽
前五日北平同學弟吳穆拜撰

西山紀遊詩題辭

三

西山紀遊詩

休陽汪 文柏 柯庭

過慈壽寺晤乾彰師

得辭丹鳳闕來覓梵王家有影一窗竹無聲滿地
花泉香先漱齒瓜美漫烹茶促我題高壁籠詩倩
紫霞

摩訶菴看夾竹桃及諸草花作

憇息摩訶菴秋英何燦爛中多夾竹桃花滿全遮
榦迎風葉葳蕤映旭光凌亂葉竹而花桃緋翠交

西山紀遊詩

可玩住僧勤樹植適宜調水旱草花品類繁開落
無間斷皆具一粒中善藝榮其辦去蠹暢所生剪
刪戒勿曼得彼草木情乃我精神貫治國養人材
膠庠設郡縣奈何踞臯比素餐糜廩膳敷教已失
宜衡文目無見豫章委巖阿榆栢倖登薦抱璞不
逢時飯牛思夜旦因觀衆卉芳臨風發三嘆

觀金剛經石刻作 并序

摩訶菴石刻金剛經一卷乃前朝道肯上人集
三十二體篆書每分一體每體有釋文楷書乃

一時名人筆也先中丞靜峰公獲而寶之勒石
嵌菴壁間墁堊堅固莊嚴供養爲世希有辛巳
八月二日子同孫雪峰往觀敬書於壁

斯經自竺國亦在白馬馱般若大部中翻譯宗鳩
摩昭明分卅二妙諦如洄波書體追古先鳥跡與
蚪蝌滕公庶可辨响嘯幸不磨及乎大小篆變化
體漸多肯師集此經一分字一科鐘爨石鼓屬苦
力勤蒐羅吾家中丞公受持爲切磋廣茲般若緣
勒石藏摩訶經義掃諸相如刀斬葛蘿無住可爲

西山紀遊詩

二

佛着相便入魔今具種種體背義將云何作此一
則問昧者徒媿耍我今仍自解前言戲且訛譬彼
莊嚴相如露在青荷不以諸相觀立地證須陀慈
仁大藥王說法起沉痾隨立即隨掃不使墮白窠
是經乃寶筏登岍必由他假此各體書好奇得摩
挲染指禪悅味不啻鼠飲河稽首說誦言非詩亦
非歌但願來觀者身心悉安和

皇姑寺

剪盡雲鬟轉法輪珠林碧宇掩芳春秋波尚溜青

蓮眼花雨應憐弱柳身漸斷情絲憑慧力乍生識

浪便迷津繡幢密護塗金相指是當年叩馬人正統開駕

出關尼呂氏苦諫不聽及帝還轅復辟念之封爲御妹建寺賜額今尚供其像

過聖感寺訪霽崙禪師

舊額平坡寺前額衆即鬼王和尚也

勞生慕安禪羈人謝鞅掌身入翠微峰心淨無塵
想幡然老法幢今作山林長敷席繼鬼王立規宗
百丈氣若春風和心同秋月朗機緣契九重問
法頻來往宸書賜稠疊天語多褒獎山經考

核詳燈史蒐羅廣圖窮衆壑深事追千古上繡幃

西山紀遊詩

三

自王妃棗梨皆國帑遺民託簡編祖塔開榛莽未
離文字緣氣誼殷吾黨燈明深雪堂夜話秋林敞
書卷出紛紜詩情偏浩蕩心展芭蕉叢珠含帝釋
網琴瑟具佳音不鼓終難響坐對萬緣空清風來
颯爽

附次荅

釋超永

使君出當家經綸畫指掌斯道推其源主持絕
異想俯視造化合運用毋消長風度殊汪洋盈
眸光萬丈拉伴登青山秋高雲氣朗結軫邁長

途幽探非輕往惠好一見歡軟語多過獎淪茗
劇夜譚討論何深廣長庚橫曉天隱然湖海上
二酉藏心胸富麗等積帑著作侔神明發揮消
魯莽因端竟古人揀弊清宗黨乘興亦題詩淋
漓果弘敞雅韻徹琳瑯規模真浩蕩砥礪金石
質攢簇珊瑚網大地作琴聲長空接清響感遇
重千秋襟期俱快爽

題霽公小照二首

秋山覲面已知心奚事翻從畫裏尋此際萬緣都
放下惟拈木槵坐松林

西山絕遊詩

四

影在空潭月在虛兀然趺坐是誰歟快投猛火成
灰燼再問洞山我與渠

翠微峰

肩輿望翠微縹渺如靈鷲雲端出一頭俯領衆峰
秀緩步從山腰身輕一筇瘦林巒曲折移青紫頰
舒皺香多不辨花韻細知鳴溜恠石脫雲胎傑閣
依山構心清聖感僧晏坐松林茂宮闕在東南疏
薨成綵繡壯哉九重深宛轉千門透日麗遠烟消

氣澄新雨後可憐大道間馬寸人如豆

杏子口

舟藏丘壑深崗掩林巒集一逕杏花交探奇從此
入憇息得精藍坦步多原隰紅雲隱見間似有仙
人笈花迷紫燕飛果任白猿拾榦老繡苔侵根潤
芳泉濕中隱大醫王豈如董奉業到此不知津徘徊
空步履

清涼臺

懸崖撒手敢承當直下幽深莫計量千朵碧蓮生

西山紀遊詩

五

足底頓離火宅得清涼

聖水澗

欲訪山泉共幾灣香蒲深處弄潺湲狼顏老石當
衝激只爲清流去不還

秘魔崖

荒榛翳莽無人鋤石穴中空成屋廬秘魔之名無
乃迂隋有高僧曾此居其名不傳其姓盧苦心辦
道捐殘軀鉢空粒絕嘗晏如大青小青皆龍雛化
作童子爲其徒搬柴運水供伊蒲仁壽之年驕赤

烏山焦木焚波澤枯哇無稼穡圃無蔬泉如甘露
粟如珠召辟黃冠及浮屠計窮梵呪兼靈符師遣
二青詣帝都布雲興雨隨氣噓咄嗟而辦漲溝渠
麥秀禾登倉廩餘隋皇物色歷崎嶇捨金架屋山
之隅異哉此事胡來乎山顛古碑或不誣怪誕原
非史官書先聖不語成楷模雖然異事何嘗無神
龍變化尤難拘大則萬丈小蟬蛆何妨鱗鬣而襟
裾功成脫衣仍返初巖側空潭映碧虛恐有龍種
爲遊魚隣峰縹緲青芙蓉攀蘿覓逕從樵夫

西山紀遊詩

六

靈光塔

率波疑積雪林表映斜曛影倒遙懸壁尖高欲刺
雲律身成舍利稽首誦迦文共話藤蘿月清光與
客分

尸陀林

盧師停棹處遺址尚能尋昔日桑乾水灣環到此
林千秋陵谷變一念至人心相見無言說泠泠暮

澗音

花谿

兩岍綠於染芭鞵數往回山山飛素委片片落紅
來瘦石眠修竹蒼藤絡古槐欲知谿面目樹杪一
登臺

繡谷

艷色從何至誰能巧似天神針一夕雨花樣百般
妍谷鳥欣相託山靈聚已全文心於此會到眼總
成篇

雙徑

頓漸分雙徑終歸不二門且從足底去莫向口邊

西山紀遊詩

七

論法界天花雨祇林後座躡殘生奉塵刹難報世
雄恩

楊樹灣

涼雨收殘暑回颺撼老楊龍歸雲氣合花落澗流
香待月憑鳥几間遊坐竹將自離塵土境米雪淨
詩腸

平坡

陡盡翻平坦天知脛力疲耕雲成位置夔駿可驅
馳一雨鋪新蘚長風掃墮枝遠山爭赴此應為我

題詩

寶珠洞

谿訝地肺藏崖嶸鬼斧神工那能鑿維摩丈室本
不寬十笏之間總瓔珞大如牟尼小珠璣空青火
齊相磊落儼若裝成七寶龕龍宮鮫室窮搜索我
思混沌未分前陰陽樞紐應交錯天地定位萬物
生中間精氣何磅礴結則爲山融則山川生人
剩糟粕蕞爾洞穴得人傳高僧住此萬緣却鬼王和
尚於此
習靜智圓行滿感人天紺宇琳宮塞巖壑飄然隻履

西山紀遊詩

八

去不還烟鎖薜蘿長寂寞清秋抖擻濟勝材探奇
緊把芒屨着五色流霞兩腋間擺脫紅塵求大藥
磷磷石子碎粘成大比蝸廬稍開拓坐卧雖受不
多人一燈一榻堪棲託誓願身隨鹿豕遊何苦折
腰五斗祿劃然長嘯上雲梯仙人招我同騎鶴

深雪堂

我來三宿此堂中即景吟詩恐放空翻嶺夕陽明
疊翠未霜林柿綴疎紅雲巒到眼皆唐句畫卷橫
窗是漢宮帝都宮闕一覽而
收儼如金碧畫圖家在浙西鄉思切可堪南

望送征鴻

龍泉菴

松底深池匯伏泉蒼髯偃蓋鏡中懸一泓湛碧浮
金鬣幾樹微黃蛻暮蟬雲鎖磬聲僧閉戶日移剎
影客籠鞭茗芽細潑真甘冽歸帶餘香在舌邊

遊洪光寺訪解三禪師不值

復磴十八盤蒼松百千樹足未及洪光所歷先幽
趣主人雖出山文室容我住落照烏聲間捲箔山
光聚階前細靄流檻外奔湍注圓殿法朝鮮周遭

西山紀遊詩

九

千佛聚綺窗極玲瓏繡椽奇依附高榜 睿筆題
妙相神工鑄碧溜達香厨朱葩芳輦路身間侶苾
芻垢淨師調御頓覺此心空已知陳跡誤連朝吟
興豪頗得山水助若問詩中禪請參無字句

宿洪光寺

携琴來絕壑脫網友披緇已悅聽鐘宿翻憐待漏
時露晞花氣集山峻旭光遲搔首臨清澗松陰染
鬢絲

聽朗月上人說盤山

盤山多勝境酌茗話精微松子當階落神燈遶塔
飛峰尖平到案花色繡成幃待我携佳侶吟箋盡
捲歸

香山寺和雪峰作

戒曉尋香山滿懷詩意動鳥語善寒温花香遙迎
送西山四百寺閤壯尤超衆巖壑盡朱甍峰巔仍
畫棟左翼來青軒雙眸豁然縱桑乾一玉玦太行
萬飛鞚右轉葛洪厓石髓垂膠凍松護何皇駕泉
感章宗夢深林聚涼颺遠翠明霽竦岡作香爐形

西山紀遊詩

十

雲似梅檀供咄哉石蟾蜍鼓頤儼欲動旋登流憩
亭細雷鳴巖縫葱蒨秀能餐潺湲清可弄閤壞得
山容僧殘無夕誦美景不自私賞心良友共嘆彼
聲利場擾擾惟爭閤

來青軒葛洪井護駕松夢感泉香爐
岡蟾蜍石流憩亭俱香山勝槩也

來青軒

飛梯捫葛上傑構半空懸翠巘臨金榜紅雲護玉
泉鐘鳴諸谷應月照一峰偏擬借禪窗宿明河界
枕邊

望玉泉山懷輪菴禪師

秋山一望絕纖埃
花界松杉翳不開
玉帶縈迴穿內苑
翠鬟迤邐繞香臺
心同止水探珠出
寺爲行宮禁客來
相近尚勞相念切
題詩獨坐白雲堆

登祭星臺

葛洪井涸無丹藥
遁甲壇荒遍草萊
借得仙風扶兩腋
來尋金主祭星臺

碧雲寺

松林掩映碧雲寺
傑閣雙飛如展翅
范金古像極莊嚴
繪彩天龍窮綺麗
耿耿寮舍鎖寒烟
只有殘

僧數鉢寄當年
耶律始經營
小菴點綴多佳致
何物中涓擅權時
竭盡民膏作檀施
萬馬車輪運大材
千夫畚鍤開巖地
昂霄聳壑架香臺
鏤鳳雕龍圍玉砌
空糜珠粒飽闍黎
更屑金銀儘塗慨
前有于經後忠賢
兩璫盡力增深邃
勢歆薰天只一時
自思身死無遺類
故藉蓮宮廣福田
實爲丙舍全私計
生民憔悴國旋亾
慈氏無情猶掩淚
梯空仄磴漸欹斜
凌雲繡栱將傾墜
尚餘厥漆見禪牀
得玩宣龕存法器
殿後纍纍六璫墳
彷彿陵寢同規

制松楸密蔭石虎羊隧道幽深鐵門閉忠賢磔屍
彌數年餘孽尚覓衣冠瘞清河侍御新抗章僅平
馬鬣劉碑字未令餘塚穢骨移略解百年怨氣積
若依竺國付茶毘便與山靈除垢膩我來特趲清
秋涼金粟舒英香觸鼻已拚席地與幕天再扯碧
雲爲卧被

卧佛寺娑羅樹歌

冷泉久別娑羅樹見性不隨流水去何期卧佛重
觀之恍若故人客中遇南北三千路已多移根况

西山紀遊詩

十三

越流沙河惡禽不止棘不產惟我到處能摩挲竺
乾此樹名交讓葉結祥陰花寶相淺紅深碧照新
秋法雨慈雲覆其上君不見華嚴林樹悉放光草
木何幸依空王世上榎楠遭苦厄千般斧鋸裁爲

梁

白雲觀謁長春真人

浮雲靡定蹤海鶴天涯濶赴召龍兒年蒲輪踰碑
矧問道雪山陽一言惟止殺雷鳴大地春語出萬
人活嗚呼古至人救世功尤烈蚍蜉不自量槩以

虛無抹大用寓諸庸真言翻若訥養生賴築基壹
氣存微忽虛待勿爲先中宵坐惟兀千古龍門傳
一綫猶未絕丹房蔭松杉破竈鳴蜻蛚瞻之恍在
前西山高嵒嶮

天寧寺塔遠眺有懷

西北層巒紫翠稠雄關劃斷帝城秋山川錦繡裁
畿甸人物才華萃斗牛易水寒風吹白雁薊門紅
樹照丹丘招賢臺廢藏狐兔寄語鄒辛莫浪投

談是山行人索遊西山詩以二律見投次韻

西山紀遊詩

漫酬

碧雲紅樹扣禪關問法酬詩未算閒此日振衣登
絕頂當年拄笏望中山最憐疊嶂嶙峋處斜抹疎
林淺淡間索我奚囊君意切奈無佳句恨空還
玲瓏詩態鏡中鬟誰似皇華吏隱閒指摘總離水
署外笑談全在玉壺間牀橫焦尾蛇跼斷座對薰
爐翡翠斑一室晤言欣所遇枕屏幾曲繞湖山

附原倡

談九敘

秋來新興滿郊關若箇能偷忙裏閒方朔詼諧

惟玩世謝公高興又尋山白雲紅樹斜陽外
笠棕鞵疊翠間知有蓮花招舊社溪橋拾得好
詩還

頻年結想此烟鬟拄笏登樓也不閒
柳絮塵埃空日暮桃花雞犬絕人間
眉峰暫閣雲容懶鬢雪新梳
蘇樣斑欲倩君詩作圖畫
卧遊如到故家山

讀汪柯庭宮魯紀遊詩目眩神往用東坡

徑山道中韻敬跋其後 談九敘

西山紀遊詩

十四

君詩如佳人雲鬢飾華勝不好時俗粧真色自
幽淨白玉湮不緇青銅磨益瑩以故墮塵寰未
嘗改恆性柱頤畫黛看洗耳流泉聽結此物外
緣生爾慧中定托鉢龍性馴聞鐘蝶夢醒閒雲
袖裏飛棲鳥杖頭瞑何須坐蒲團終日把松柄
西山古剎多沿岩盤細徑香山間碧雲深雪互
掩映獨有翠微峰孤秀絕梯磴西霞標赤城東
月升玉鏡矯然凌罡風長嘯發高詠時當秋爽
佳遊踪載月令螺紋折毫端燦若珠照乘樓臺

縹緲俱花石玲瓏稱我將振衣吟谷鳥作呼應
奇態挹春雲清響叩幽磬胡爲日皇皇厭與車
馬競冗長繫贅疣煩憂落圓甌山靈寧世情招
我亦蹭蹬惟當歌歸與遑敢賦薄命仙佛與人
文二案難兼并盧遨汗漫遊仰視忽敗興三山
無颺輪五湖有閒榜

次荅陳履仁讀予西山紀遊詩二首

秋濃摺翠斜陽處人戀鐘聲塔影中攬入吟箋如
縮地不妨蒲吏是仙翁

西山紀遊詩

五

坎止流行豈有期飲冰餐蕖畏人知憂然一鶴冲
霄去笑我辛勤誤學詩

附原倡

陳麟

抽身去軟紅塵外濯魄到滴翠光中天假半年
休暇日爲君原是箇詩翁

拂袖登臨十日期山靈應喜得新知嵐光水色
秋逾好併入遊人一卷詩



